



SAKSPAPIR

Saksnr	Utval	Type	Dato
30/2019	Formannskap/plan- og økonomiutvalet	PS	29.05.2019
	Kommunestyret	PS	

Sakshandsamar	Arkiv	ArkivsakID
Tore Henrik Øye	FA-V18	19/345

VEDTAK - NY KOMMUNAL TILTAKSSTRATEGI FOR SPESIELLE MILJØTILTAK I JORDBRUKET" (SMIL), 2019 - 2022.

Vedlegg:

Kommunal strategi for ordninga spesielle miljøtiltak i landbruket - Vaksdal kommune 2019-2022
Fråsegn - offentlig høyring - kommunal tiltaksstrategi for spesielle miljøtiltak i jordbruket - SMIL - Vaksdal 2019-2022

Rådmannen sitt framlegg til vedtak:

Kommunestyret vedtek Tiltaksstrategi for spesielle miljøtiltak i jordbruket (SMIL), 2019 – 2022 , Vaksdal kommune, etter vurdering av høyringsinnspel, jf. saksutgreiing.

Vedtaket er gjort med heimel i «Forskrift om tilskudd til spesielle miljøtiltak i jordbruket, §§ 1 og 8.

Den nye tiltaksstrategien erstattar kommunen sin strategi for 2015-2018.

Saksframstilling/bakgrunn for saka

I følgje «Forskrift om tilskot til spesielle miljøtiltak i landbruket» § 1, skal kvar kommune ha lokal SMIL-strategi som grunnlag for prioritering av søknadar om SMIL-midlar.

Vaksdal kommunen har hatt SMIL-strategi for perioden 2015-2018, og framlegg til ny strategi for 2019-2022 har no vore på høyring

Høyringsframlegget vart sendt til lokale næringsorganisasjonar i landbruket, Hordaland fylkeskommune og Fylkesmannen i Vestland, i samsvar med Rundskriv 2019-14, punkt 1 – «Til § 1 - Formål».

Høyringsperioden vart sett til 4 veker, med 3. mai som svarfrist.

Det kom høyringsvar frå Fylkesmannen i Vestland. I tillegg hadde formannskapet i kommunen merknadar til utsending av strategien på høyring, jf. «Saksvurdering».

Formelt grunnlag

- [«Forskrift om tilskudd til spesielle miljøtiltak i jordbruket»](#), med Rundskriv 2019-14.

Saksvurdering

I det følgjande vert uttalar og endringsframlegg til SMIL-strategien presentert og vurdert.

UTTALE FRÅ FYLKESMANNEN I VESTLAND

Fylkesmannen skriv at framlegget til tiltaksstrategi er kort og brukarvenleg, med informasjon om korleis kommunen vil prioritere dei ulike tiltaksområda i SMIL-ordninga. Uttalen seier vidare at strategien set tydelege mål for bruk av SMIL-midlane, og kva utfordringar som ligg til grunn for prioriterte målsetjingar. Uttalen ligg som vedlegg til saka.

- Framlegg til endring/tillegg:

Fylkesmannen gjer framlegg om at det under punkt 1.4 «Vilkår for å søkje om tilskot», vert nemnd at den til kvar tid gjeldande forskrifta definerer kven som kan søkje på ordninga. Grunngevinga er å ta høgd for eventuelle endringar i forskrifta innafor planperioden.

- Rådmannen si vurdering:

Innspelet vert teke til følge.

VEDTAK I FORMANNSKAPET

I møtet av 25.02.19 bad formannskapet administrasjonen om å inkludere følgjande tiltak som del av høyringa:

«Støtte til tiltak som:

- a) Reduserer bruk av plast i landbruket.
- b) Reduserer bruk av sprøytemidler/Glysofat i landbruket.
(Jfr. kommunen sin eigen strategi)».

Administrasjonen tok for formannskapet sitt vedtak inn i høyringsbrevet som vart sendt ut.

- Rådmannen si vurdering:

Gjeremål som reduserer bruk av landbruksplast og sprøytemidler er relevante tiltak, både i høve til ureiningsproblematikk, kulturlandskap og biologisk mangfald. Tildeling av SMIL-midlar til tiltaket, vil difor vere innafor SMIL-føremålet.

SMIL-strategien gjev ikkje ei fullstendig oppstilling av tiltak som det kan gjevast SMIL-midlar til, men gjev døme på aktuelle gjeremål. Dette bør ein ta omsyn til når ein nemner ulike typar tiltak i strategien. Ut frå dette går rådmannen inn for følgjande plassering av formannskapet sine innspel:

- Tiltak som reduserer bruk av sprøytemidler, punkt 3.3, «Avrenning frå landbruk til vassdrag/ naturmiljø».
- Tiltak som reduserer bruk av landbruksplast, pkt. 4.3, under «oppsamlings-system/bygingsmessige tiltak mot avrenning/ureining frå landbruket».

FEIL OM PLANPERIODE I HØYRINGSFRAMLEGGET

Framsida til høyringsframlegget seier at planperioden er frå 2018 til 2021. Dette er feil. Planperioden skal vere frå 2019 til 2022.

OPPSUMMERING AV ENDRINGAR ETTER HØYRINGSRUNDEN

- *Ny setning under pkt. 1.4, om at den til kvar tid gjeldande forskrifta definerer kven som kan søkje på ordninga.*
- *Støtte til tiltak som reduserer bruk av sprøytemidler skal omtalast i punkt 3.3: «Avrenning frå landbruk til vassdrag/naturmiljø».*
- *Støtte til tiltak som reduserer bruk av landbruksplast skal omtalast i i pkt. 4.3 «Tiltak», under «oppsamlingssystem/bygingsmessige tiltak mot avrenning/ureining frå landbruket».*
- *Retting av planperiode på framsida til 2019 – 2022.*

Vedtatt strategi vert kunngjort i lokalpressa, og nettsidene til kommunen.